

ստիպեցին զՅոյնս բերել զհրովարտակն, և նոքա սպասէին հրամանի Դատաւորին, ստիպեցին նաև զԴատաւորն գլորով, եւ ահա գումարեցաւ ժողով մեծ 'ի Դատարանի ('ի 20 Մայիսի), ուր էին ամենայն մեծամեծք քաղաքին, գէնացին և Հայք բազմութեամբ՝ բաց 'ի Պատրիարքէն, եկին եւ Յոյնք. նախ ընթերցան զհրովարտակն Յունաց, զոր թողեալ էին անպաճոյճ իբր արհամարհեալ յաջս նոցա, և ապա զՀայոցն: Յետ այնորիկ զհրովարտակս Խօճաքեանին և Մուլէլլայ Վէքիլին յանուն երկոց գործակալաց, և 'ի վերջոյ զհրաման Կուսակալին Դամասկոսի՝ համաձայն մտաց հրովարտակաց, և սլատուէր սաստիկ կատարել ըզհրամանն: Դատաւորն ասէ՝ այսօր բաւականացուք ընթերցմամբ հրովարտակաց՝ և յայլում աւուր ձեռնարկեսցուք 'ի կատարումն հրամանին, զի մի աճապարէն՝ անկցուք 'ի դատապարտութիւն: Խօճաքեանն եւ ոստիկան Կուսակալին ըստ հրամանին՝ ստիպմամբ պահանջէին 'ի Յունաց զհրովարտակն տուեալ 'ի թուին 1774, նոքա ասեն թէ առաքեցաք զայն 'ի Կոստանդինուպօլիս. Խօճաքեանն ըստ բանից նոցին խնդրեաց իլամ 'ի Դատաւորէն, այլ նա ետ բերել զտումարն և կտրեալ 'ի բաց եհան զայն անտի, եւ ջնջեցաւ արձանագրութիւն նորին, և ցրուեցաւ ժողովն:

Յետ երկուց աւուրց վերստին գումարեցաւ՝ լուծանել զխնդիր հետեւակ երկոց ազգաց, որպէս գրեալ էր 'ի հրովարտակին քննել զայն 'ի տեղւոջ իւրում: Եւ իբրեւ կամէին կոչել զնոսա 'ի ժողով անդր և լսել բան 'ի բերանոյ նոցա, ընդդէմ եկաց Դատաւորն և հարցանէր ցըրազմականս թէ՝ սոքա ո՞ր ազգի հետեւողք են, ամենեքեան լուցին և ոչ ետուն պատասխանի: Նուրի էֆէնտին ասէ՝ ըստ որում սոքա ոչ գտան 'ի մեծի դատին 'ի Կոստանդինուպօլիս, Տէրութիւնն զքննութիւն սոցա սահմանեաց լինել յերոսաղէմ: զարմանք են թէ ո՞րպէս ոչ կամիք կոչել զնոսա 'ի ժողով որք 'ի քաղաքի աստ են. Դատաւորն երկարէր զխօսս իւր և տքնէր չկոչել զնոսա. և 'ի սաստկանալ վիճմանց՝ մին 'ի գործակալաց եմոյճ ըզնոսա 'ի ներքս. և 'ի հարցանել Դատաւորին նախ ցհապէչս պատ 'ի պատ բանիւք, ասլեալ մնաց այրն, զի ոչ կարէր 'ի միտ առնուլ զզօրութիւն բանից նորին, և 'ի